
YOSHLAR - KELAJAGIMIZ! ULARNI JINOYAT BOTQOG'IGA BOTIRMAYLIK

Qo'shtepa tumani Xalq ta'limi bo'limiga qarashli 40-umumiy o'rta ta'lim maktabida "Yoshlar o'rtasida jinoyatchilikning oldini olish"ga qaratilgan shuningdek, ushbu hududda yashovchi yoshlar tomonidan sodir etilgan jinoyat muhokamasiga bag'ishlangan yig'ilish bo'lib o'tdi.

Unda tuman hokimi I. Novikov, tuman prokurori M. Shomurodov, tuman Ichki ishlar bo'limi boshlig'i S. Abdullayev, tuman Davlat soliq inspeksiyasi boshlig'i S. Abdirasulov, yoshlar ittifoqi tuman Kengashi, maktab ma'muriyati, Qiyqi MFY faollari, ichki ishlar organlari xodimlari hamda jinoyat sodir etgan yoshlar va ularning ota-onalari ishtirok etishdi.



Tadbirda soʻzga chiqqanlar oʻz ma'ruzalarida jinoyatchilikka qarshi kurashish barcha davrlarda ham davlatning jiddiy va muhim masalasi hisoblanib kelinganligi, inson tinch va xotirjam yashashni hohlashi va tinchlik boʻlgan joyda baraka va rivojlanish boʻlishini alohida ta'kidlab oʻtishdi.

Farzand niholga oʻxshaydi. Uni yoshligidan qanday tarbiyalasak, shunday voyaga yetadi. Bunda albatta oila, mahalla, jamiyatdagi muhit muhim ahamiyatga ega. Oʻzi, oilasi, xalqi, ma'naviy ildizlari haqida yetarli tushunchaga ega boʻlgan bola jinoyat koʻchasiga qadam bosmaydi. Bunga erishish uchun jamiyatning har bir a'zosi zimmasidagi mas'uliyatni chuqur his etishi, burchini sidqidildan bajarishi lozim.

Qoʻshtepa tumani hokimligi Axborot xizmati

2020-03-09 14:43:00